

四庫全書

史部

欽定四庫全書

史部

欽定八旬萬壽盛典卷一百六十七

詳校官通政司經歷臣郭祚熾

欽定四庫全書

八旬萬壽盛典卷一百六

歌頌

二十六

萬壽恭紀九言詩一百韻

翰林院修撰臣汪如洋

乾隆五十五年秋八月

天子八旬萬壽之昌辰東鷗西鰈山梯海航至黃童黎

叟壤詠輶謳陳羅圖信彰

景運啟綿翼芝檢筴受協氣宣和閏月輪三五正馥廣  
寒桂歲籥八千寶肇莊周椿仙家壺嶠樓閣布藹  
藹樂土禾稼原隰觀昀昀鋪張電樞虹渚已膚未  
沐浴跂行喙息咸平均我

皇敍福錫庶民亦福維

帝如春與四時皆春兼名祿位彌信壽必得曰保佑命  
悉於

天自申

一人所其無逸毖夙夜片語奈何弗敬通

蒼旻有事於

南

北郊必

躬蒞其時則長短至及上辛亦越

雩壇

法駕顙膏澤祇工師盛樂和神人既謐

帝心益復懋

祖德永監

成憲且以崇彝倫縹裝

寶錄義

繹圖訓古綈捧

冊寶瑞琢和闐珍葛燈麻拂示儉昔云有絳紗通天改制  
疵非醇勗哉騎射

訓守貞石勒瘁矣

櫛沐想見戎衣塵盡賅

天章百六譜全韻用筆

丕基億萬無周垠虎貌帳卓整暇香阜隄螭蚪艦列照

耀昆湖濬詐馬筵開

柔遠順蕃俗嬉水隊合獎勇頒官緡

創垂煒煌寧止隘唐宋

撫莅混一肯教岐越秦古我

前皇圖任厥惟政

天有顯道視聽權諸民政由

已正弊必扶稗民為邦本

念勿區畦畛紺轅黛耜玄旦賦摘藉男耕婦織

乙夜圖披幽快雪時晴故事繭帖

仿為霖三日妙感

龍潭裡驕懲蜀道既

誠朽索馭藝錄宋苑亦

繪雛雞馴匪宵求衣盱忘食以理彼夏暑雨冬祁寒曷

詢覲覲封章



披閱待秉燭于于牧守

召對來垂紳又必及三狴犴

慎推慮一可儆百簠簋祛緣蚩民之所好所惡

絜以矩政有或臧或否糾如神偶聞偏灾中澤起螫雁  
旋

發積帑涸轍蘓窮鱗議蠲議截百計俾膏沃免丁免漕  
六屆猶循環此蓋數十年來如一日要使大千界  
內胥同仁若已推之恐一夫不獲無非事者遠諸

侯曰

巡黃流之來滾滾自天上大江以北在在連河身引開  
陶莊汗漫以次注誌

定清口堰築隨時竣邇來春濤千里竹箭順不待秋風  
三汎輜車轉魏乎

禹功已媿積石導卑甚漢績徒詡宣房堙海潮海汐信  
共蟾魄準浙東浙西居與鯨波瀕禦以魚鱗陂陀  
之演漾束以鼉壘龕赭之嶙峋惟南之埤允矣北

之漲必捷爾石始得屬爾新自老鹽倉直上走迤  
邐凡十一郡安堵除吟呻封疆虔祈於此稟

籌畫湖山小憇詎以娛笑嘖彼都人士則有魚鳥戀謂  
仁皇帝澤我雨露頻飲飛前驅野不躪禾麥屏翳為御路

僅芟荆榛吾

皇來遊維以得休助

繩

祖之武庶共蒙陶甄金焦我我天塹劃碁鎮吳會隱隱上

郡通重閨蜀岡鶯花二月三月暮白堤烟柳千絲  
萬絲勻

施先過化優免銓結總

典舉特試美收楷輅箇詰戎于郊鶴旅甲探鐵教讓以  
齒鶴髮牌懸銀一遊一豫孰不侯度謹

六飛六幸亦塵

詔謀遵粵若白山黑水

源派遠往者金戈鐵馬雲雷屯皇澗過澗風物

詠如觀松山杏山戰蹟尋未湮星拱於辰一氣望葱鬱  
歲周以癸

四度勤遄臻別有文殊師利雪封嶺近則牽牛析木烟  
浮津臺躋五層塵境隔鐘梵水轉丁字海客排舩  
舳南瞻齊魯靈區岱宗肅史述云亭詭辨夷吾斷  
上公祀秩柴燎燭霄漢

素王盼蠻髯器馨繁蘋今年東行江漢望彌皜  
後聖北面堂廡儀何彬雨膏

屬車繡隴氣潛潤雷動歡祝赤子情俱伸

山莊靚深三島溯宛宛塞垣延繚七萃馳駢駢名仍

避暑武備即斯寓額

紀

恩

祖訓毋忘諄木蘭圍開鎗殪北平虎哨鹿

賦就筆走中山斂肩隨

帝胄式凜

家  
法舊膽落藩部倍懾

天威真赫斯

天威豈獨秋講獮  
彼小醜乃如郊竄  
麋庭犁準噶爾  
既失負固頸係索  
諾木敢誇狂狷戰  
圖所廓疆越二萬  
里屯政日闢家富  
三百圉土爾扈特  
奉版慶墉櫛痕都  
斯坦撈玉羅旰珣  
餘如要荒蠻服無  
盡境類為夏商周  
代所未臣炷香斗  
米邪孽息盜弄鯤  
身鹿耳逆黨殲奸  
囂霆飛六詔遂震  
蘭水外羽

舞七日遠格球江濱唐矜羈縻始侍突厥子漢慎

保障空結單于姻豈如日南名王躬入

覲不異雖西白馬歸作賓

制遵冠裳敬極故生慕班綴桎梏

尊至尤加親南掌文身亦導使臣節暹羅玉冊並奉

王言綸何況化人印度瓔珞現足補妙繪

皇朝職貢新武成大告執玉赴不脛

堯章光被如竹森有筠



文期載道不以華以實

詩取頤性比之

德之純

訂譌祛惑朗朗宿探海民情物候乙乙珠穿蠟鑑

評百王興廢炯於月疏

衷三禮考證磨不磷五車捆載競獻喻芹曝

七閣飛構先覩欣鳳麟萃經

室成佳話合球璧活字書富珍貺逾璫珉制宏車服

舊式底摹聶律正宮徵古尺奚求荀

重華韻賡軼紉縵喜起抑燕

論闡超洛瀛闕閩園疏磬流

座罨槐蔭綠珮貫獵碣畫洗苔紋皴旁通梵言三合譯  
微妙下逮笙詩六什搜沉淪

景抒歲朝事陋柏銘庾

福賚除夕體壓雲書郇其他吮毫伸素縱

餘緒擬以畫禪草聖誰堪鄰鵲袍臚歡

恩展幾蕊榜鮑背得第榮過雙蒲輪衍

玉牒兮螭斯羽緝緝

篤銀潢兮麟之角振振孫生孫遂

五代

錫之慶

老吾老亦千叟徠如儉非空非色吉帛現繚繞若遽若

綳綵袖辭縫紉

作人壽考益助運交泰不言符瑞務俾風還淳

殿開乾清

清祚協

昊撰

宮殿寧壽

壽宇恢

鴻鈞

調玉摘華輿旨演河洛範金告備巨響卑鉦鐸元正始

和

溫綽十行下南呂中律瑞靄三秋收

慶諧絃埏嵩嶽氣鳴谷

恩沛寰海

太液波含粼

古稀日攷義匪判今昨庶徵

敬念責詎寬宵晨大哉

敷言皇極本洪範臣也獻歌儒館慚崔駰戢穀之頌以

如罔如阜在藻之樂曰有頌有莘從茲

天壽凝承作元命譬諸佛法紀算窮由旬無疆惟庥不息  
則云久

延洪錫羨歲歲依

楓宸

萬壽恭集

御製文句擬序一首

翰林院修撰臣錢啓

歲庚戌秋八月恭遇

聖壽八旬開表之慶

福德並茂瑞應臻至嘉予九有臣民鴻儀重舉盛典咸

昭凡所為祝

釐頌

嘏日就星拱達萬國之虔悰發於不能自己者合萬萬

人奉

萬萬算人一其聲願

福祿之永茂垂燾於無疆猗歟盛矣蔑以加矣寰宇之

鴻庥孰有大於此者乎臣聞萬八千歲之朔皇之  
人多壽為禎為符積以歲月自黃虞以來書史稱  
美莫窮紀撰三代以下為天子至八旬者纔得三  
而其時其政古今相去不啻倍蓰若夫同天地保  
太和

錫祉

延齡壽世而

壽身舉登安樂壽命世界巍巍



聖皇萬萬千千歲生民以來未有躋此崇隆者也仰惟  
聖德健行不息昭晰乎

上天降鑒之原是以

踐阼後炷香告

天爰主

郊裡圖所以永

乾貺其積忱非一日矣茲逮八十實惟申錫

景禧覬獻之禮必

躬必親未嘗少輟欲得五風十雨用舉

大雩虔申對越久而弗敢懈故以事

天之誠敬心

祖

宗之心是訓是行必有其本祇祇乎無敢或踰焉尊藏

五朝冊寶展誦

列祖實錄一一仰法

前徽於薩爾潁之戰而書其

事覘

開國之鴻謨而成方畧紀

恩堂之題額而溯其淵源率循舊典而議及衣冠不可改

躍馬揮弧毋忘

家法事事善繼善述斯其大者信乎紹聞衣德以培

國家萬年元氣所為權輿也

今天下重熙累洽茂登上理

皇帝致治佛時仔肩宵衣旰食罔不惟

德之勤德即政政即德顯微無間

樂以天下

壽以萬世所謂遼逢其時者歟

殿曰勤政

羹牆得之一日二日萬幾立絙陳紀辨色出

視朝先勗心於問燎

手自裁答章奏綸綍是慎或

咨詢廷議明達必以偏無一事不審其則惟崇大體四

方文武臣僚登明選公

睿鑒所周引見官吏賢否清濁立判知人則哲必各稱  
其職而能其事

聖心之所運用慎而又慎如此也召誥王敬作所奈何  
弗敬與公旦無逸之訓相發明衛武公作抑之詩  
夙夜是祗無逸一篇形諸

心畫而列諸

黼扆以勵此勤

重華宮之抑齋鏡已牖民一以貫之意在斯乎若夫

居

九重之上惟務以深仁厚澤宏濟羣生肫然而無不愛  
如膏之沃浸以醇醲無不滿其量亦有所不知其  
然而然者課晴問雨扇景蒞甘則莫切於時之一

字

命直省旬月奏報雨雪郵函所

咨訪良用殷然普免天下錢糧輪蠲各省賦稅鋸租漕

糴藏富在民偶遇水旱而亟為賑恤緩貸不靳千  
百萬帑金以振其乏宮功鑿鼓物給價工給值晦  
服紈牛戌己告豐今一視郡縣屢綏普徧

聖人對時育物無一夫不與被

聖人之澤萬姓樂業俾穰穰綏

壽有孚惠心勿問元吉何其益之大也顧惟

聖作明述擴之而範圍今古或因時而定制事有其義

不尚虛文敬念

右壇為祈報之所用是選擇精粦既追既追歲舉

耕藉之儀式副彛典

宗廟之制名物器數之具俎豆斯陳增祀

歷代帝王升歆議禮其準古遷廟觀德遺意隆禮

先師孔子奕奕新廟易覆黃瓦犧尊象尊物有其容

躬詣太學行釋奠禮修復辟雍園水之制遂

臨雍以落成焉若其

玉寶設



交泰殿中定為二十有五載觀禮器及

鹵簿儀仗輦輅祭手具列圖以臚之樂器以象聲容  
以獲古鐃鐘中和大備球琳其質以命磬叔朝會  
燕饗其他諸樂稽圖譜以次釐正而笙詩則以類  
相從象舞雍容而志美是以鞀鞀新歌花門小部  
秩如彬彬如蓋嘗深維大順大同之化制定於一時  
亘古今而莫不仰焉隆規鉅典咸秩孔修穆乎禮  
樂之續紛也至若敷陳治道必亶

聰明睿智之資立德立功立言囊括貫串而理臻其極  
帝王之學天下之文章胥于是乎繫凡

御製詩文超神入化厥數無萬積有成編而況設局分  
曹輯四庫全書分四處以度之文淵文源若津若  
溯皆有精義

勅幾之暇亦時

御丹鉛詳加推覈嘉與海內學者分為三類以廣考索  
之助乃歲時

經筵講學尤切於尋繹約文

申義曠若發蒙即以書法而言莫不矩矱天成洒為

奎翰垂範墨池化工之所為罕有及者及以

國書譯漢藏經系以華梵合音洪濟羣品教乘演全

恰值

壽辰誠為吉祥事讚歎亦不可究竟近因

閱石鼓文而新為十鼓篆籀之蹟視古人所不能讀者

有加焉猶復表章經術搜羅才俊廣途銓士

特榜興賢是以閩耆牂樂越百歲以扶鳩承德府而玉  
門闕學校既設萬流景附非徒博右文之名將以  
納方俗于會極倬為章於

壽考久道化成喜值文明之晝不亦庶歟

皇清荷

天之龍函括萬邦版圖既綜隸屬國震讐承令豈更樂於  
用兵擴土兼遠之不已然

帝王之福順

天者昌武成九次德威並耀猶雷霆霜雪之於

天振肅庶類導氣之滯有弗得已耳前平定金川以救  
僭拉四甄齊攻迎降恐後順則撫之準噶爾平

兩朝志竟前歌後舞朝四部落之衆旃裘毳幕之人各安  
遊牧慕義斯至而有土爾扈特全部歸順之事蓋  
無一蒙古之非我臣矣若夫定全回嶺面纏頭齊  
禦外域不啻偃修羅之弓戟四大得所後平定兩  
金川凡經大小數百餘戰登碉奪砦乃並促浸而

掃靖彼蕃徼至臺灣全部平定三月成功安南之事斯則不勞師而寧衆奉贄來

朝一心信嚮緬甸歸順函貝葉敬上無量

壽此固

皇天助順而號令行於萬里指揮如意

決機於午夜之密勿易曰大君有命利建侯行師盡美盡善之慶致此豈易得哉

皇帝展義示度而必先之以水土之政於樂南國莫大

於河工詳議築塞胥侍

躬親履勘指授方畧剔之鬢之浙西地瀕海作塘捍潮  
南坍北漲諸形勢以次就治維時春水方渙旋舫  
吳會江鄉父老香華載途視各省民人之如何瞻  
覲親近也東嶽為五嶽宗五臺按方嶽峙天中嵩  
洛聞呼者三陪京甸服形勝之選所在周察民隱  
行慶施惠歲

辛未蘭行圍而林衡告獮

避暑山莊來遊來歌不宴息深宮嚙嚙羣生藹然親愛  
於山川清晏之餘熙熙然相忘於無所事事故凡  
額手而祝

大齡者合中外為家同遊春臺化宇與太古侔豈循蜚  
疏乞時所為者耶爾乃吉祚大來

五代同堂

天使詒穀瓜綿瓊麟振其趾躬舞蹈以稱觴兆千億以蕃  
盛福彼蒼赤五世曾元前後凡二百



天子養老敬愉大同仰

聖祖之徽猷設席肆筵國之耆耋式燕且喜福海大環用

撫天下萬萬邦如

今日者集衣冠於萬國遠至開闢之所未賓咸徠獻  
壽圖于王會景鑠哉時其圖衍疇策以斂錫厥庶民八  
之

念徵寶于有德是謂承

天之祐斯引福紀繼自今

萬歲添籌歲萬又萬積萬乃無算蓋不可殫述矣臣愉

殷酌斗隨稽手于臣工例當進獻詞賦自愧無文

且

鴻稱煌煌固不敢以已見惟殷祈頌用復潔誠披覽著  
於

奎文者區區掇拾撮成文以質言臚近事挂一漏百  
是猶繪日月星辰以象

天蕩蕩乎末由舉似而為言耳謹序

萬壽賦

翰林院修撰臣史致光

洪惟重熙累洽之世憲平衡正之懿砥屬浹乎埏  
紘泰融翔乎蠡植著英紀周而申重籌算洪延而  
昌熾禕哉鑠乎伊古膺期提象之君斂福未若斯  
之賅備也我

大清之肇迹也山輦神基澤鬯福源連鑠區宇麾擯羣  
倫奠清寧於倏眇踐承翼乎雷振偉

謨烈之繼繩感泰一而揖元於時鼓洪鈞揚盛軌扇淳  
龐奕斐韡肅義溫仁照景飲醴蓋

列聖蘊符儲庥百有餘禩而後  
吳緯眷焉篤純祐錫蕃釐於我

聖天子延美大光式燾儀載顒剛坯柔繫軫結駟羗摩  
新而恭舊用懲逸而祛泰煥

前猷以發越廓至治於無外郁郁嶷嶷倏倏嶢嶢聰明亶  
厚智勇錫超暉儀苞羽律中莖韶單緝熙而益懋

矢劼毖而彌劼崇業若渾穹之巍峻弼文若倬漢  
之融昭過邇寧倫軌壹讐威稜紛來悅靈繹宣轅  
貞祺騰溢軒佶之事並芑林烝之道允鴈皇哉煒  
哉累璇牒於崇基鏤盛大其難亘述粵若冬

丘夏

澤雨禱穀祈觀象察類引

神示

永飭容臺而圭潔

躬壇幕以虔寅闔闔開而迎曜鉤陳轉而肅達膏雨迎  
夕稷雪應期方成田步旋折中規禮繁委而勩勞  
罔有問於一載邇執除之簡儀徇顓請乎朝寀  
昭事矢於純常殷禮秩其咸在懿夫

詠發寶符

論詮真宰通呼喻於面稽膺

眷鑒兮宜倍於赫

光烈疊祇

續承魚創守之難易藐三五以咸登啟

寶錄於瑶緘通

暮訓於塗膝環循轂轉雒誦晨興佳氣鬱蔥

陪都神奧溯渥澗之源流緬岐豐之

締造大建碣於薩潁之山數

莅駕乎同江之隩奉裸瓚而薌升勤優愜而衣紹章服

式由珉瑊義告旒昃攸綿潢派是導惇宗則

思啟需衍

錫爵則典盼渙號斯皆根

欽若之上修鑠遏佚之崇效也若廼枋四時幹五行釐

萬幾攝三名逸咨旦儆欽作臯賡

批章應畧

聽政質明廷臣日宣而

諏度庶僚引覲而番更抨展采以信飭董厥積而敏程

孜孜翊紐贊贊廓綈

講幄開而春殿藹



行圍肅而秋塞清  
勲懿戒之隅德觀什  
榜之達誠懋  
典學與講武握政紀之大經暨乎

液池凝鏡萃士分棚  
角材練技力均賜平  
繫時恁而  
歲甯咸垂神而勵精  
民隱周咨引恬  
饅燠十雨五  
風先種後桂小邠  
候期元辰戒宿  
緯黛耜以鳴鑾  
執洪縻而舉玉  
典劭乎農疇情  
殷乎蔀屋異  
鉤盾  
之弄田

躬四推其猶若不足  
間有百稔一歉  
甌達

詔馳粟留轉運錢貸度支軫納隍之念省耕穡之時蔭  
暘人於灌漑竺嘉植以蕃滋

命理官使欽謚權銖兩於聽辭爰有星虛貫索庭茁歲  
蕤聯一氣於心體惟

聖人其孩之夫以肸螭豐融祇若

昊穹唐帝之憲則也

寅恭繩

武垂制垂緒周武之繼述也夙夜

勅幾慎省疇咨有夏后惜陰之實焉通求寧莫田佃宅  
度有姬文懷保之德焉遂乃侔鴻造於兩儀紹心  
傳於

三聖垂精神於億葉宏辯章于萬姓  
洋洋乎若德

帝者之隆規是用著巍煥而昭極盛爾其  
睿謨廣運

大武九成星竈月蝓雲戍雪城沫若之靡因壘烏孫之

掃犁庭列牧則屯包戊己置守則戶籍男丁徠究  
駒神駿於阜擷闐壁鯢澤之瑛闢輿圖於地軸踰  
二萬而為程又若臨水驅氛洮垣翦拏焱激臺海  
之波電掣樓船之捷稟籌筆於

九重憺

德威乎赫奕其

敷文也則

詩編有五

文製逾千

味腴汲古

摘藻抽妍標炯鑑而聲類備述

崇規而樂府宣育養叶薰琴之奏賡歌追柏梁之篇游道

藝之林藪燦奎壁於星躔虎觀崇儒石渠掌故締

淵源津溯而傑構雲連彙經史子集而縹囊彩具

峙三閣以踵增佇南邦之游豫許以傳鈔廣夫流

布提瀛寓乎車書範

文思而陶鑄聿瞻

制度懸象為昭裁成百代被飾

三朝訾茅莚其已陋聆擊拊以匪遙建典釐其經曲考圖

範厥陶匏

定五輅之儀衛訂九奏之清韶中和備乎雅管慶隆舞  
乎象箛於樂

辟雍載疏園水禮舉上丁聽環胄子優老撰珍飲鄉  
尚齒肄陔笙而陋哲辭摩獮碣而采籀史譜南幽

雅頌之什而按歌正重敏經迭之音而祛鄙表旁  
行斜上之體以紀官循春禮冬書之教以造士非  
沿襲而為功份份乎其洵美迺若涵汪濊滂洋  
德施普

仁風揚

錫祉殷延賞長勵惠鮮監允詳蠲逋賦豁餘糧行糜粥  
於月令察平會於司商免口算之正供停歲漕之  
輸場緊至三而至再殊復半與隅方濟濟薪樵躋

踟躕序大選比銓特科頻舉寒暖烝髦耆儒曳組  
開上塞之絃歌啟朝正之宴醺化日以舒文露則  
滑洎乎肅

鑾輿歌時邁臺麓星津中嵩東岱踵上典乎

舜巡六御龍乎吳會陳詩納賈宥青考最作為便程殷  
賑曲賚儲侍軫乎方來供帳戒其已泰章無舊而  
勿率施無遯而勿艱矧復恬海翁河隄濶障汰捷  
石排鱗偃流束帶濬築因宜



旰宵躬裁衛澤國之池湟伍井廬以滋溉六府甚修利  
普斯大於是豐功集懿教哀明備告樂愷周恢皇  
綱而偃伯訓帝文以叙疇官崇卑以儀正濡濟渤  
以膏流彪被乎寰區鴻鬯乎垓陬大中正之獨暫  
紹泰始乎成鳩爾乃福備乎道隆化純乎德博憲  
天則純佑疊申率

祖則保饗用酢庶政和而八風平民氣洽而九歌作玉燭  
網緼斗車斟酌三光甄變五煒昭灼孕人瑞於苞

符鼓物靈於橐籥頌芝露紀虞麟樂

壽寓誠民人邑居展展觴豆莘莘享頤齡於平世集皓  
首於熙春蕃駢乳四男之瑞登族居九葉之淳荷  
旌門之卓楔允蹈德而詠仁重以

堂開

五代慶萃

九宸肇來昴之振揖徵結珮於宜孫用敷錫乎兆姓盈  
二百氏之濡

思含飴提挹往牒希聞厥有奉常相化之仙妙應輪懸  
之帛方皓質縑文之獸而異象來馴婉一莖九穗  
之禾而嘉蓂旅殖都哉嘉况臻茲所以釗福應而  
壽允迪然而

天子方敬勝日躋健行夕惕協謙吉於六爻或侈美其  
必斥且夫挹蜀政修肅允恭也會極訓行人由從  
也炳幾握鑑濬哲彰也紹典詒燕淵謀臧也倅化  
參神聖縱將也是以應五行備五韙鰓和叙辰翕

張順晷風雨之好攸從寒暑之咨固隸納庶民於  
大同考庶徵而循軌乃猶省歲時勤

老念篆

璽章儕銘監

景運鬯新

撫宮疊斂固宜流祺延祚於無疆而旅豫洽懽之克騏  
也上章奄茂之歲

八旬啟裘之辰

允祝釐於初載

大施慶乎首春  
顓俊之門再闢  
蠲租之澤又均  
釋輕繫而期予治  
錄微瑕而俾自新  
出繯粟於庶老  
賁

綸封於士紳  
度曩規而式備  
重淪浹以無垠  
則且載蒼旂

省青甸登泰嶽  
以旅望謁泉林而

釋奠

清蹕所經  
洪施艷徧  
旋返旆乎川途  
逌驛籌乎津淀  
疇

衢尊之勿霑諒春臺之胥羨于斯之時

德霈雨施懽臚雷動士歌於泮農舞於隴驂篠嬉遊鳩  
節忭捧內則例爵叙品彰組綦冠之侶陞城趨蹌  
外則隸部備藩擁旄帶劒之倫塞垣環拱莫不翹  
趾而樹頤頌

龐褫之適總他若葱嶺以西龍沙以北滄海東漸丹崖  
南踰納貢者賈賁憬琛稟朔者杭險棧磧高句麗  
集其鴻臣俄羅斯通乎象譯琉球暹羅之君南掌

西竺之國胥逖聽乎風聲並輸忱而凜職則有效  
逾常之嚮化感苗格於至誠靖朱波兮驃樂莊歎  
鹿耳兮卉服耗緬甸受封而憇通生番匍叩而趨  
趨巴勒布之遠界越衛藏而未詹肇候律而獻琯  
等測海以陳鱣至若辰居極北徼列日南周傳雉  
瑞漢度鳶跼德懷威畏忻就樂瞻涉萬里而來享  
躬致福乎

尊嚴斯尤

仁壽之枕被聲教之撫覃

天顏則愉禮儀用東乃穆賓門乃繕質館或肆之筵載  
錫之袞承流仰沫誼隆柔遠覽萬國之鱗集於是  
乎坐明堂而納戡紀汁壽光日躔蒼宿金祀班聯  
彤墀仗肅

天子御太和之正殿被九龍之法服千官奉表而軒轅  
一人晬容而疊穆九擗應節三呼動谷典茂乎常朝慶  
申乎虔祝大樂備而盛禮暨爰憩



寧壽而臨

景福既乃

乘輿幸乎西苑經乎西華之門王會燦設按圖具陳聳  
曄霓乎交衢接斑華於肆屢山戴鰲以顛顛樹駢  
柯以綸連紈牛露犬之彩素暈丹羽之珍四達充  
物萬卉鋪荼奇裔倣詭不可殫論仰

鳳蓋之琴麗觀

鑾旂之綸匝梵貝之誦孔殷鈞天之奏方合爰有衢

歌宣祥籟總樂含哺以覩樽述

帝德之淪浹一字一音矢口角協

壽考維祺臣黎胥洽允哉

盛典宜為一書小臣珥筆職効編摩罄形容而莫殫揄

萬一於

聖模奚用上循乎合雒汎覽乎華胥惟

純榘以長世祝

升恒乎九如乃獻頌曰

皇建極兮

天錫福兮得祿位名而

壽彌引繹兮靖外安內治職植兮

念用徵疇歲月日時無易兮

佑命義申延萬億兮

八旬萬壽盛典卷一百六

欽定四庫全書

八旬萬壽盛典卷二百七

歌頌

二十七

萬壽恭紀五言律詩六十首

恭集

御製詩句

翰林院修撰

臣

胡長齡

元旦延千喜精神入九秋肇稱

八袞慶亦欲萬民周鸞鳳方翔翥山河共峙流洪長凝

寶位歛福

錫箕疇

其一

玉宇三霄近如臨員嶠兮祝

齡從衆請抃躍有餘慶自益無疆

壽是為大吉祥

萬年欣

五福民庶共平康

其二

神緯欽元化

齋宮著肅雖黃流盛早麓曙色辨

壇松對越嚴將祀穹冥仰

聖蹤

躬承歲弗懈

天愛有殊鍾

其三

重熙承累洽法傳企咸寧

締造思當日

欽承切式刑

長篇欽識

績

御製薩爾湖書事

祖訓亶聰聰

讀

皇上每晨恭實錄

慎守衣冠舊卧碑勒箭亭

其

四

月宇臨雲牖松風萬壑涼

見

避暑

山莊

紀

御製圓明園

恩堂

記

長年偏憶幼肯梅見於牆觸景懷

承罷佳名會一堂

紹庭欽陟降丁甲護虹梁

其五



勤政古無匹

堯文此式刑

御門集朝彥月吏對

明廷晝日每三接

每日見部院大臣

勅幾協九經對時此宣席無逸近

書屏

御座多揭無逸篇其六

一心周九寓雨潤日暄勻為是勤

宵旰

御製詩篇多占晴問雨之作

惟應博

欽定四庫全書

八句萬壽盛典

訪詢

驛

詢各省陰晴雨雪情形

庶民從所好橐籥被無垠次第奏

章達十千歲取新

命直省奏報收成分數其七

歷年寬正賦更與逋漕糧

繼

澤斯為澤農祥兆歲祥萬方均在宥六德煥

鴻章

乾隆丙寅庚寅丁酉三免天下錢糧丙戌庚子免漕糧迄本年普蠲正供

鴻恩凡六遇

損上道斯炳今年

典更詳

其八

新正

寬大詔念爾小民依賑貸不遺力鮮推隱已饑近城分

設廠

冬月五城例設粥廠

察吏驗歌祈富媪行將試春光次

第歸

其九

旗民驗蕃庶毓德想魚魚秉穗仍貽厥

歲底恩賞八旗

地租華紛奚事諸逢年歌樂愜節制視盈虛送臘椒

花頌三餘樂歲餘

其十

湛恩周蔀屋二鬴切咨詢戶口滋千億阜財鮮窘貧青

黃藉有恃民穀數胥陳

命戶部奏民數穀數

省歲心猶切秉誠一念純

其十一

政典闕休助鳴

鑒駕六飛

巡幸免經  
過正賦積逋

普教蠲正賦藉可驗民依茲

益閭閻富都欣玉策揮

惠心勿問古絃誦達邦畿

其十二

參三奉光大負宸

久滋恭

雩祭舉龍見

定  
常雩禮

苴茅罷土封肇興諮衆議敬事

勅司宗調幕逢時若嘉祥應九農

其十三

有舉應數曲還教闕補全簋尊酬上日

欽

定壇

廟祭

寶鼎纂祥煙執玉抒

誠敬

明禋重吉蠲

祭

稷壇用玉

社

朝章弗相襲沿革與時權纂

圖式

皇朝禮罷其十四

鼎新古帝廟出治審其源嚴殿衣冠閱

清時禮樂蕃欲明興替故倬彼

聖人言

見

代帝王廟禮成記

御製祭歷

千載丹青貌披圖鑒戒存

御製南薰殿奉藏圖像記

其十五

言念

皇圖續心惟無逸銘況手持

大寶

寶

御製敬

定國朝傳寶二十五

天勤民之

原賴弃

前型庶績率

批斷化工贊毒亭銀檠輝

暢屋片刻為延停

燭待章

其十六

巡幸行在東

倍仰

高齡健

鸞旗此重陳

康強緣

大德耕耜率先民凍解泥融土寰中物報春弄田占有

喜蘭路濕無塵

其十七

夙夜主於學分陰惜細旃春風坐綺席典學重

經筵每以

時洛罷允標登岸先

御製  
經論宣講

文淵宜後峙從此入華編其十八

壁水恒

論道

太學新建辟雍  
親臨釋奠講學

朝家典制垂聲喧鳩鵲瓦

文廟易  
蓋黃瓦

標準鳳凰池

端冕丹書勘重檐曙色披五三養老度經訓絕多岐見

御製三老五更  
說其十九

依次十二月虞廷



聖教宣

欽定樂章復古旋相為宮法

延清契道筦解愠以薰絃玉

磬叅承處

製和闐玉特磬

古鐘依律編

得周鑄鐘仿鑄入中和韶樂

似

聞拊石際合在

洽熙年

其二十

有數詩三百都成角徵音

詩經欽定樂譜

宮商即工尺

戛玉復擬金恰合為之譜千秋例自

今遐思雅頌際一字一絃吟

其二十一

樂自稱西舞祥調玉燭宣中和天地位內外一家

連月竈天方接

燕饗增回部番  
部西藏樂舞

龍池鳳閣邊總干知

德意今日許陪筵

其二十二

嘉饗荅韶節

乾清宮  
大宴宗室

元孫吉已徵昨胥

錫冠帶

宗室  
四品頂帶

賜更看弄雲仍

玉牒  
十一世

禮以家人

重時蒙

恩佑承堯親思典載松茂並川增

其二十三

鳥祥官紀號已見數名紛津逮知其自

職官考

命纂

釐工政益勤辨方章品物麾可奮三軍

職品級定武所尚

赴桓實

增武職養廉裁虛糧補足實額

林林勉立勲

其二十四

健銳屯營制八旗子弟兵秦平無戰伐耆定貴先

聲聚處無他誘

詰戎益致精冰嬉將試藝及節有權衡

冬月冰嬉行賞

其二

十五

崇儒因廣學一代

紀綱呈拱北近仙境安西繫遠情

安西熱河先後立學

人文日寢

盛簡職企掄英儒士藍衫列

率領諸生迎 駕幸熱河學臣

道左沿途喜氣迎 其二十六

政清刑自簡萬物被甄陶切以慈祥導誰能繩墨  
操甄心企空洞鑑物察秋豪教弼臬陶法益欽

天聽高 其二十七

六巡勞樺橈一氣達洪渦為壑疏湮塞改絃別引河

陶開

莊引然因定水誌 壬午 南巡

定清口水誌

非是詠卷阿資

運功無盡蒸為六合和 其二十八

溯河得望海

上駟出星闌

六度江鄉幸萬年  
磐石完培高斲山骨

改築浙  
江石塘

鞏護幸

隄寬觀水有其術  
同人應所安

其二十九

竹簡論車輦豈如

造化工六經無隱彼

二典企欽崇

文初二集  
御製

樂此不知倦  
表揚蘊以中德功

言並重治理  
溯洪濛

其三十

三百蔽以一

萬言頃刻成捷於響銅鉢考樂叶韶韻沐浴

文章海詩書

稽古評歲當五位合

詩五集 御製

珠貫驗天行

其三十一

幾暇崇情托晴軒

飛白時

敬勝齋 御製 帖

建廊藏帖版

軒蘭亭八柱重考正淳 御刻三希堂墨妙

化帖 欽 定快雪堂 帖

觀象玩金柅

繪事間中賞

待飼圖 御臨李迪雞雛 頌賜

長言乃各摘

多能固天縱樂此不為疲

其三十二

經史子集富嘉謨示

聖人

右文遵

舊制式古緬先民總貫諸家解能傳一脈真

神詮昔曾揭

鄧治逮和醇

其三十三

全書收四庫

出治寓深謨四德曾掄長

大內文淵  
圓明園文源

盛京文溯  
避暑山莊文

津四閣並為  
儲書之所

三分緬昔圖

建揚州文匯金山文宗  
杭州文瀾三閣並賜書

三是因翻大典豈止玩緬儲天一閣取式蘭漪碧

練鋪 其三十四

金管研摩久詩書淑兆民同為製活字

武英殿排聚  
玕版刷印各書爰始

刻貞珉

御刊經史等大  
部無慮數十百種

博古瑤函萃布來方

策新法輪演



國語

諸譯清字藏  
經今歲告成

樂壽荅昌晨

其三十五

奠郊霑精氣敦牟伴祭儀車攻緬復古良匠

命精追

皇上崇文紹古  
今年重排石鼓文新刻十鼓寔太學及熱河文

廟

錦繡

天工纂

昌時造物貽

見御製  
石鼓文記

古苔斑結籀不必詠周詩

其三

十六

王褒誨德論情見

聖人辭

見

御

捷伐

製開感論

前猷在

吳蒼優貺垂

睿謨千載頌奏績五年期疆闢二萬里新耕爭力為

新

屯田

其三十七

西傾歸馬初回衆築城居轉面亮謀點馳驅

戒旅胥三千哭駭北偏伍列麗魚掃穴犁庭罷無徵有

戰如其三十八

構釁隣封冗

王師斯有徵風雲森羽衛壯氣指天棧跬步皆奇險蹕  
碣如履平兩金久

耆定萬里順風行具三十九

忽然據賊寇三島水中央健銳練精旅將軍發大

黃

懷柔無遠近

臺灣之役生番咸踴躍用命  
平定後隨從凱師入

覲挈要在

謀長林麓

依清曠

軒文日月光

見

書屋記

御製四知  
其四十

北藩茲世僕西極奠

鴻功向

化非招致會殊則以同情聯新舊客

上年安南緬甸已  
勒布以次歸順

籌滿海山叢欣荅初韶令筵開湛露融

各藩部年  
班於紫光

閣

賜宴

其四十一

陪京凡

四莅臯應立伉將

修盛京廟制度一如

郊都京

以繼還兼

創為龍必有光

五朝藏冊寶

新成和闐玉奉舊存尊藏

盛京五朝冊寶恭太廟

萬葉衍銀

潢

修奉安

玉牒成崇謨閣

益合欽函館

羅圖物意昌

土風物產詩其四十二御製盛京賦及

懿德書金匱攄誠各效能

開基溯天造勉繼亦貽繩

復開國諸王始封號

所重心惟赤肇茲

王業興推

恩與旌雪

追封爵加

復霽親王配饗

代閱幾千增

其四十三

六度南巡止

見製南巡記

御記

淳風式萬邦荒唐笑封禪

幸山

東

滌鑑辨淳龐河勢成丁字風全靜渡艘

天津

幸

三呼遐算祝

河南

幸

離垢梵王幢

其四十四

幸五臺

拱極思維北

親聞

風撫南

蒐詰戎綏遠

聖祖建避暑山莊於熱河每歲秋

皇上謹循

家法

觀田俯

樓堞

出麗正門闕榭

乘興跋駢驪

駢木蘭 駕幸熱河啟行園

率皆乘馬 每歲

秋蒐舉徐將禮樂涵

陸熱河廳為承德府立廟建學 命纂熱河志

文興州

沿革蹟在德有名談其四十五

稱觴聚五世

五福肇名堂

甲辰春

聖祖題五福堂額以

皇上得皇元孫乃增

賜世宗書

五福五代堂作記

前後緒相接言筌

聖豈藏松雲清棟牖瓜瓞演銀潢於古陳洪範

龍墀化日長 其四十六

養老惠

恩施

甲辰正月  
賜千叟宴

舍飴想

侍筵

上恭侍

聖祖舉是宴時  
輔座行爵襄儀

皇  
懽呼徧白叟真瑞

勝奇編

輯千叟宴  
詩成帙

囊挂天臺杖

杖及各物有差  
賜與宴者  
碑

新蚪篆鐫

老五更說於國學碑陰  
命鐫御製三

仙壺叨



澤渥春在鳳凰絃

其四十七

初春

頌渙汗

本年元正頌萬壽恩詔

堪堪物由庾有

德須教洽時行與物生

絲綸頌岳牧

仁壽祝華平鳳篆鵷班布觀同

百福成

其四十八

東鰈西鷄合朝正并賀春

本年五國同時

威儀輯王

會

垂拱御元辰物備九州貢春為四德仁五星會營室

錫爵遠方均

其四十九

堂廉欽

斂錫祇合効葵傾溫樹深移影宮花仰向榮椒尊陳白

獸

天酒下蓬瀛

元旦賜百官宴

卜晝未卜夜傳柑喜起賡

每歲重

華宮茶宴聯句其五十

難老期臣庶殷殷切惠鮮更思躋壽世

加百歲壽民賜

銀

屢報見曾元

民間五代同堂者凡二百餘家

田宅無分樹

數世同居

加者旌閭賜

華胥極樂天睦雍堪勵俗格外

命恩宣

其五十一

六度期羣度

恩科乃特科豈令終老肄獲企席環多晚達頭先白近

光肩欲摩

子科第職銜賜年老舉

春官新定制

自丁丑鄉會場試詩比定

年

命輪試五經

倚詠興如何

其五十二

應時陳

盛祀

中祀  
躬祭一週

蠲吉展鴻儀二月

東巡狩言臻曲阜祠造成遵

聖軌禪岱趾秦碑那舉升中禮方將

祿永綏

其五十三

滇海銷兵氣流沙仰集鱗  
猶聞肅慎獻發德碣瀛  
濱震旦惟南海羣星拱北辰祝

聲申篤悃

蒙古回部朝鮮安南南掌緬甸等國及各省土司生番等鱗集闕下虔祝

鴻釐無

一不王臣 其五十四

嗣服祈承命

頌思自法宮

阮光平乞從天朝冠服  
上嘉其懇誠 俯允所請

皇 豈云循典

故兼以

獎丹衷章黻彬儀度袍衫雅稱融賢王誠愛戴同喜迓

東風 其五十五

優鉢含風燦經因白馬來 緬甸貢  
萬壽經 流

恩歸橐籥

壽世共春臺花是恒春蕊座傳延喜杯滇南待澤久始

自遠人徠

其五十六

太平開萬象林邑貢陳初

緬甸貢花象南掌貢子象並稱奇異

十歲

一重煥

南掌國十年一貢

九賓覲

帝居奇玳來海舶諸戲舞龍魚

阮

光平詣

闕

祝

釐恭製樂曲親攜本

國樂人奏舞

階下

松齡祝仙籌億數餘

其五十七

雨暘燠寒風尚書六卷中

四言標合撰

錫

八徵耄

念之實作記

八法會其同洪範彛倫叙箕疇

王道崇愜心看

寶字欽若凜

淵衷

其五十八

團圞三五近花滿鳳麟洲碧漢翔雲點銀潢瑞靄  
浮人人開花甲歲歲沐

申庥如此神仙境空勞海上舟

其五十九

總祝

無疆壽新成六十章

八旬開寶表

纂

壽盛典

萬

萬姓仰

龍光負宸調

元化承

恩並日長載賡天保什得句亦

天香 其六十



欽定四庫全書

史部

欽定八旬萬壽盛典卷一百八

詳校官戶部郎中臣楊世倫

欽定四庫全書

八旬萬壽盛典卷一百八

歌頌二十八

萬壽恭紀賦頌十二章

謹序

翰林院編修臣謝墉

臣惟溯自邃古之初天地人皇元始應世各八千  
歲以迄循蜚䟽侖五帝之紀數往知來元會載周  
有開必先欽惟

聖皇誕膺

寶祚粵在上章奄茂為乾隆五十有五年恭逢

八十萬壽合天地之數以衍乾坤之策推八會之文以  
符十華之券懿乎哉亘數千年而一覩若是其炳  
耀六合景鑠萬古也仰惟我

皇上斟元陳樞秉錄司契得道之柄荷

天之龍由於

彌性純常協極

帝綽是以

壽考維祺介祉提福三靈效順萬國咸寧自五三六經  
所載勲華之盛未足以罄焉臣竊以為際茲

神化民宜大理物博無庸以子雲相如孟堅平子靡麗  
之詞形容夫儀若祥淑之萬一也不揣愚陋操佔  
畢之素以成下里之歌敬第為賦頌十二章其第

一章曰

德耀嘉謹記

獻性淵穆顯藏無間

心鏡萬機自然炳燭故能合四荒四極迥遐邊濶之宇  
而運之

宸闈無不

照重離而耀之以

光明也其第二章曰

昊穹佑謹記

聖敬祇翼昭事欽寅肝鬲豐融達於

帝座凡作長欽藏之司一葉之時若所以召通正而致綏

豐也其第三章曰

祖烈恢謹記

兩朝志竟畋章式廓

祇廸

前光以康遠服于自古未臣之民厥戶口之於自古未畧  
之地厥屯耕之蓋

勲兼乎黃農而蹟邁乎禹翳也其第四章曰

閻澤專謹記

大惠之頒普蠲惟正

萬壽保艾多福錫慶是則

博施之富積算極乎經姦而周澤之渥歌舞騰乎

億兆

有孚惠心羣黎徧德也其第五章曰

聖文煥謹記

天章萬卷言成典訓

崇論宏議陶鑄淵涵至于

羣王之藏綜圖籍而薈萃焉

四庫所羅統朔南而嘉惠焉斯則

君師之隆軌邁七畧而兼三不朽者也其第六章曰

神武昭謹記蔥嶺雪山

龍韜授鉞關三萬里四衛普寧若夫筇笻以外冉駝以

西僭刺促浸

德威疊施並稟



神策運籌以決勝者定易豫象所稱順動詩皇矣所云  
篤祜者也其第七章曰河源顯謹記天苞地符應  
時乃彰乾坤端倪待

聖而作既通道而底西王之國遂

端拱而致河圖之祥此靈協于懷柔而瑞呈于天一者  
也其第八章曰石鼓新謹記岐陽大蒐史籀古文  
遺跡纂排適昭

威武以是璧雍園水觀聽為之日新而

文囿三驅命中共瞻

天授者也其第九章曰安南格謹記嶺隔桂林江流富良  
文德誕服惕息享王此伏波之柱所未能撫而諸葛之  
鉦所未能招乃納貢而輸忱入

覲而祝

嘏也其第十章曰花象徠謹記爨焚之鄉揮縹之地遠  
逾木邦來自金齒率舞其儀咸若而至夫且上軼  
乎成周之會而寧不遠超乎貞觀之圖則

德之休明無遠弗居也其第十一章曰

五代堂謹記

皇祖詒謀

五福崇構

聖

聖相承孫孫弗替

五福五代萬有千歲遠推之世系而不經見近考之帝

紀而未前聞也其第十二章曰

八徵寶謹記

天錫九疇庶徵

帝念俾

壽而昌克

勤不倦是惟

皇極之敷言而應之

康強逢吉

聖人之大寶而徵諸

悠久无疆也臣于是欣忭蹈舞聯屬而繹之曰  
德之馨香升聞於

天

德之作求繩其

祖武

天

祖並佑之者厥由

勤恤民隱而除其害

博愛之仁有嘉德而無違心也且夫

愛之覃於中外者

教之融於文武也于疆于理漸被暨訖或原或委軒豁

呈露

奎壁橋門慶協嘉會冠帶蠻服

拱受蕃釐也

昭德之致諸福之物輻輳並徵吉事有祥千載一時也

以是

介期頤

衍來鬯

慶綽綽

錫珍符於

萬斯年不可紀極矣

德耀嘉第一章

臣惟

聖人之德上及太清下及太寧中及萬靈爰基命於宥

密聿不大於色聲蓋

德者得也萬化之樞紐而百福之璣衡也

皇上乘乾始體泰元則巍巍稟安安粵自

徇齊敦敏聰明同符軒轅也

文思恭讓光被媲美放勲也

御極以來

廣運在蜎蜎蠖蠖之中而化馳若神極之五億之選之

寥廓而無垠夫其



維淵維默如雲如日以

熙載達

天德也

丕顯丕承以引以翼以

贊緒率

祖德也是訓是行

錫極保極以

仁心振民德也夫何疊疊穆穆而人綱人紀之畢飭也

兢兢愬愬而官聯官治之咸秩也以是行師大師  
克以是柔遠遠人格蓋將襲九竅重九熱廓四方

拆八極

剛健中正天常也

含宏光大地則也人之窺

聖人者皆謂

皇上至公也而

至明皆謂

皇上至勤也而

至誠經曰誠則明矣明則誠矣竊嘗恭讀

御製

執中成憲序曰大學所謂明德即虞書所謂道心所謂物  
格致知即所謂惟精所謂正心誠意即所謂惟一  
所謂止至善即所謂允執厥中允矣

聖謨紹

聞自道所得而其指歸昭若發矇矣夫

聖人之德該乎動靜而貫乎微顯者也

大德無我而育羣生

大化因時而宰萬善其於

保定孔固握乎氣數之先

正位凝命持乎運會之轉考之樂緯有曰稽耀嘉夫德

不自耀也維其嘉矣則有耀矣易曰一闔一闢之

謂變一陰一陽之謂道是以如天地之無不持載

無不覆幬如日月之無不臨照也謹頌曰

天行健德正中

嘉樂顯顯受祿崇廣哉熙熙八極光華惟

德之嘉耀乎無涯

光被晷爽燭幽遐

德惟一罔不吉

壽盈萬積無算

吳穹佑第二章

粵若惟

聖格

天惟

天佑

聖曼哉圜則九重之曠邈峻極而

至誠之感若響應矣我

皇上虔對越凜執兢子萬民以承

天庥式九圍以祇

帝命欽若

園丘

方澤之燔燎

祈年

大雩之祭崇詎徒潔其粢盛豐其犧牷陳其珪璧琮璜作

其鐘鏞管磬已哉蓋有

欽明而精一者焉以徹乎

穆清而假乎

聖敬臣嘗恭侍

禁近與驤駿奔矣當夫良耜初報蜡臘方勤景

齋明於

法駕凝蒸上而煙煜積

精裡以將享遂密釀夫同雲方禮成而

澤逮每盈尺而兆阜蕃爾乃蠶月麥秋戴勝桑陰越有小

旱靈雨未零

肅珍館之亶格凝虔鞏於

居歆佇飛甘而灑潤快解愠于



薰琴爰乃統六宗而引提之合百神而禱禩之師旅有  
助順之祥

宗貺疊錫愷樂達數萬里而外矣河海有安瀾之慶

嘉應駢呈康阜遍十八州之大矣夫玉璽量幣祝史能飭  
其物而不能宣其義也升降獻酌禮官能贊其儀  
而不能通其意也

聖皇以明敬孚之以精誠籲之一動念而召和一舉事  
而

綏祐所由延

洪禧承

景祚適惟感通在元渺幽默之至微而揚詡在訇謳覆

育之廣布

臣謹繹思之

聖人一

天也以

聖格

天不待

履壇壇薦豆籩陳禱福升柴而後卜其

申錫與其吉蠲也是故窺

聖而不參以五行五事之符協則不足以徵

上蒼純佑之捷言

天而第泥於五方五神之儀位則不足以探

至聖昭格之微故曰先天而天弗違後天而奉天時自

天佑之自

天申之不亦宜乎謹頌曰

泰元尊

德司契厥契維何陟降一氣

於穆不言孔時孔惠

奉三無私

萬年光被

祖烈恢第三章

臣  
嘗恭讀

御製創業守成難易說曰創業者未竟之難皆守成者

分內之難也夫惟

謨烈遠則

聲靈宣

教典浹則

威澤寬臣又嘗恭讀

御製普寧寺碑文曰

皇天有輔德之私

至聖有越世之度

君子有見機之作兆人有可格之誠夫乃恍然於

聖猷之運量至深而

聖教之融洽至精也夫自三代以還九州攸界道未溥  
于大同化未臻于無外以是威信莫逮于四荒而  
經緯總域以兩戒臣竊惟禹蹟所未邁者浮圖之  
俗象教之國久矣事佛匪懈矣夫孔子聖也為震  
旦師釋迦佛也為西土師禮曰修其教不易其俗  
齊其政不易其宜五方之民皆有性也不可推移

皇上紹

聞衣德奮一怒而振旅揮城擯邑不可殫紀也考四萬餘里於玉門稽三十六國於班史凡諸國土之佛道神化古稱降靈聖挺賢懿者

如天之福覆幬而亭毒之為之分部落以旋定之建塏廟以寧輯之

說法以覺悟之

振德以齊一之莊嚴七寶布金千億諒哉

融性道教作天人師以

聖王之德政兼法王之願力有若軒帝勤崆峒之問重

華致西王之謁

德教之大包涵一切誠不可以一法執也是惟

性體昭曠

教澤融會總

德威於一源專

化育於四大

欽定四庫全書



帝學之淵深浩博迴超漢唐宋諸儒而一洗其芥蒂儒者則曰素王得位釋氏則曰調御再世二而一一而二無量之

壽無量之福利也謹頌曰

仁皇昔西顧燕貽待

純熙

熙主垂仁慈耆定興西師出之五濁界為重轉法輪以是

大神威降伏萬波旬有來衆花門頂禮敬黃教

人王即法王總十方部號供養普慈雲和南大歡喜凡  
彼華嚴海咸承安隱旨法音鏗華鐘振動覺衆寐  
曰西土震旦究竟無同異宏闡

古佛義寶雨曼陀羅長示

壽者相長瞻玉燭和

甄陶歸一範無此疆爾界譬如日月光旦旦燭幽晦亦  
如甘露味羣萌受滋液是謂

善繼述四方以無拂

閩澤粵第四章

臣惟

至聖之勤民本

元善為愷悌同

仁覆之無涯爰博施而衆濟則嘗逖稽前聞遠推古帝當  
艱食而疇咨每阻飢之惕志是以禹有則惠之懷  
文有如傷之視其在三代以還詔令除租僅一見

於漢文或與田租之半罕聞繼澤之勤彼唐室之  
議卹惟存惠乎從軍雖渙汗其大號將下究而猶  
屯我

皇上軫黎元勤撫字非旱潦而沛

恩當豐登而

錫惠自

御宇於丙辰逮

受釐於庚戌

膏澤之降也已閱一再而三四乃分年而除之分地而  
賜之每一

詔下而普天率土銀穀之蠲以千萬萬計其他偏隅之  
免征賑恤之屢被綜大農之度支核寰區之賦稅  
殆無從紀數於隸首而悉祿於周髀也夫其黍稌  
五土原隰三農既得積儲倉廩比櫛崇墉即彼石  
田之宇下隰之區尤

皇上之所軫念而矜卹之所旁敷迺有服之穗秸藪之

薪蒸鎮服藩服之疇五穀五鳧之膳凡芻茭之所  
入均鼓舞而承

優賚於三登乃

聖慈惻然猶不能已於若保也

憫五蠹之為奸或舞文而中飽

運心鏡以燭之俾蒙翳之悉掃夫而後莫不熙熙於慈

惠之師而安安於稼穡之寶然且宮中府中供御

搏節歲會計之倍蓰什伯蓋

克儉者在巖廊而既富者在井邑是又澄源於平治之源而立極于清淨之極者也臣恭讀

御製節儉論蓋以制數度議德行實惟自上下下其道大光之為益也謹頌曰

聖德同

天普汜覆獲仁風慶雲甘雨惠露非不足補非不給助自天降康秉穗載路

惠此元元赫胥含哺始自

皇畿達于侯甸

賜金賜租分年分郡

宸衷載衡早俾普遍或舞于衢或謳於佃熙皞

堯天遊豫夏諺億兆人家積穀無萬請祝

聖人壽同此算

聖文煥第五章

臣聞載道之謂文而文教之隆非夫聖人在天子之位而又久道化成曼壽多福則不能敷章設教



以極乎天蟠乎地自雨粟以降華古皇王后辟而  
莫與倫比也且夫聖如孔子而苟無其位則托諸  
空言而不能見諸行事故分道於八儒而爭鳴於  
百氏歷選列辟則既罕稱斯誼矣惟我

聖皇兼欽明濬哲之上質而加以緝熙敬止焉自

帷宮典學以至

景命誕膺閱今

聖壽八袞

御製諸集文成數萬卷溢數千

闡道德之奧指抉性命之真詮其於繼也

臨講筵攄

御論探理窟於圖疇接心傳于堯舜

正諸說岐趨而一衷于古聖之大訓搜載籍而擷其腴  
超萬象而宣其蘊原於得之

躬修而非徒炳烺於

學問其于史也別公私定正閏嚴紀實務傳信三長惟

識為最難而任好惡為予奪蓋不可以不慎所以等百世王而作羣倫鑑者春秋

天子之事端賴

論定而不紊爰乃兼綜而條貫之疏通而揚擢之上考天時之儀象下辨地紀之脈絡大者窮星河細者析骼角按禮器而定彝章審黃鐘而定雅樂極格致於萬殊究物理而責若至若

翠華所蒞

咏吟山水每

念農艱動闕民紀則又雨暘寒燠胥入

甄陶而月露風雲咸歸

性理者也若夫萃典文於太古集著述於羣儒魏汲冢  
未獲竹簡漢謁者莫載使車遠窮叢書下逮虞初  
命詞臣使校理給筆札以徵書或待詔於金馬或染翰  
于石渠與乎斯烈者皆得綰半通之綬以分榮於  
太乙藜照之餘書成而

奏御者蓋六萬六千冊貯之

文淵之高閣爰四庫之攸分遂乃

御園

山莊

文源

文津

盛京

文溯四閣切雲極數天一名義攸存江浙之地

行館仙寰宿環七宿鼎峙三山

諄命疆吏嘉與儒冠俾遜志而汲古得握鉛而懷丹宏  
作人之雅化以共遊學海之寬若夫

國書之譯六籍既參梵經貝夾字母華嚴西番衛藏  
象鞮再三益以蒙古

同文不刊是又

聖學之統四部洲以貫徹而包函之者也謹頌曰

天文炳兮雲漢章光耀墳典兮婉羲皇

冊府璘斌兮陳琳琅  
酉山之積兮宛委之藏

萬年有道兮運會昌

神武昭第六章

臣惟虞書言德之廣運曰乃武乃文魯頌言德之敬明曰允文允武然而書則繼之曰為天下君頌則繼之曰自求伊祐是以大文三曾而貴義與德大武三曾而偃武與力易曰惟幾也故能成天下之務惟深也故能通天下之志惟神也故不疾而

速不行而至其我

皇上神武之謂乎夫惟有

剛健篤實不息之

精神而後有

聰明睿智無窮之

謀畧有

智勇天錫非常之

靈承而後有



莊敬曰強匪懈之

勲烈臣聞古者戰功之多皆言黃帝蓋享其利服其教  
畏其神壽其三百歲矣我

皇上之平伊犁也俘達瓦齊平回部也殲阿睦爾撒納  
誅大小和卓木拓土者二萬餘里而傳箭及於天  
方默克平兩金川也俘僧格桑擒索諾木夷地險  
靖番族夫皆伐篡也戡亂也討叛也蓋

履信思順天人交助易以知險簡以知阻故

睿算所運若龍興而雷震如轂轉而鈞旋其他弄兵潢池之輩偶一竊發即聚而殲旃惟夫海嶠之永靖更見番酋之款關綜

武成之敷九皆

聖謨之秩秩而非徒恃勁旅之桓桓是故機有遲速而神乎機者遲也而實速之權有難易而

妙其權者易也而先難之懿

神策之超乎人謀鬼謀而運乎九天九淵早徹乎雷動

風舉太壹天一之秘風后力牧鳩治容區之篇臣  
惟武有七德始之禁暴戢兵繼之保大定功夫然  
故民適安衆適和財適豐我

皇上綏靖邊徼於執訊獲醜也若拾芥於撥亂反正也  
若轉蓬

神威之震也捷而  
醇化之浹也醲此

聖人之赫聲濯靈無以異於戮蚩尤與應龍故武者所

以救民救民所以壽世也壽世則惟

多壽之主始克有其膚公遐稽史冊惟我

皇神武乃遠婉夫有熊是以荒忽闇昧之宇咸得覩靈  
臺偃伯而禮樂交通也謹頌曰

西極既屬兮西南夷平增其式廓兮應天而時行  
四塞之外仰

德威兮莫不來庭銷金甲兮事屯耕邊籌鞏固兮

聖人有金城始之武者終之文大哉

耀德不觀兵

河源顯第七章

臣惟大順之世天不愛道地不愛寶而要必

聖喆之君為能握其紀溯其源以穿溟滓而窮天造

臣

嘗考爾雅之文曰河出昆侖虛色白所渠并千七百一川色黃千里一曲一直恭讀

御製河源各詩文

皇上因治河祭河廼

遣侍衛往青海窮源得黃金河有北極星石水源醺  
為百道而河出昆侖之言益以昭哲夫昆侖在今  
回部之地即漢西域也虞舜以治水命大禹而曰  
昆侖析支渠搜西戎即叙古稱其地號西王母昔  
者西王母貢白玉環於虞舜而益地圖附焉當是  
時龍魚負文固必析其源流而非同漢張騫之未  
覩者矣元代訪焉至鄂敦淖爾而即誌其所則河  
之真源數千年未顯夫固有待於

體天合撰奄有西極之

共主也夫昆侖河源之說括地象所稱有八柱焉其高  
入天有三千六百軸九城十二樓金臺玉闕上拂  
星辰焉山海經謂為帝之下都玉山平圃實為之  
鄰丹邱福庭羽氏壽民極靈異於前聞今而知昆  
侖之源伏流行地恭讀

御製已示其真矣其旁若產玉產馬之區昔之所載枝  
斯璿瑰瓊瑤玲瓏今則和闐之人采嘉玉以貢而

春山之珪重鎧氏之所守悉供

服御而登玉府矣昔之所載蒲梢汗血騶褭乘黃今則  
大宛之人擇善馬以獻而天馬之子渥洼之良悉  
入

駟閑而效騰驤矣夫乘吉良而多壽服瑾瑜而禦不  
祥其說為

獻哲所弗道顧自舜禹至今往代之所弗賓者其土守  
悉隸焉自漢唐至今往代之所未顯者其源流畢



詳焉自夫葱嶺鹽澤諸地皆

聖武為之奠定而疆理之者也乃於稽宋志河渠元志  
地理辨其誣証其是譯其名義而阿勒坦郭勒噶  
達素齋老之為黃金河北極星石可得而紀也臣  
以是知河源之顯為

皇輿無外之驗

聖壽無疆之徵所謂如川之方至以莫不增者也然則  
自漢迄元上下數千年發其端而未竟如九仞之

終虧洵

至德之淵涵無極而靈源之昭著有時彼馬遷班固所  
云惡覩所謂昆侖者終將快覩之矣謹頌曰

黃圖式廓

聖壽曼天一之根探灝瀚地靈上接天池星北極璇樞  
拂銀漢

帝遣侍臣溯洄之蒲昌遙注渺無岸渾渾泡泡渤澤中  
沸沸湯湯峯山畔一川色作黃金英百道泉飛珍

珠渙乘槎博望昔未登山經水經空汗湯於

皇闢土三十載祭川萬里踰星海允猶翕河袞對同手

指青邱紀章亥

石鼓新第八章

臣惟

德之休明經文而緯武時之會合轢古而切今是故  
綜作述而神之者

至明至聖也

融道藝而一之者

至精至深也粵成周之大狩紀獵碣於宣王繫史臣之  
作歌有籀文之商皇歷秦漢晉魏六代千有餘載  
於陳倉之野苔封蘚剥始顯蹟於有唐虞褚觀之  
歎其墨妙韋韓詠焉為之闡揚逮宋世而蘓梅繼  
作艷稱夫蛟龍之鬱律猶存四百六十之飛鳳凰  
閱金元與勝國信神物之呵護當

盛世之

右文列戟門而爭覩雖淋炙之無虞猶斷缺之莫補欣逢

乙覽親披

宸衷濬發

念太武之九成嘉

冊府之四徹

帝曰俞哉

寶翰飛丹首尾囊括

詔之儒臣足成其八比事屬詞明本係末懿

妙義之維新乃奇文之由舊重摹繪夫珪璋爰載鐫夫  
瑤玖蟠蟠龍魚蜿蜿科蚪遠揖軒倉上耀星斗臣  
乃盥誦而稱曰斯為

大清之石鼓矣夫籀書特妙於三千年以前而大顯  
于三千年以後信哉孔子西行不到秦天工毋乃  
令鬼守不惟嗜古之大儒所莫能襄抑亦中興之  
令辟所不能有若是者洵足懣六丁壓二酉傲宛

委笑岫嶺遂使驚潛動蟄翔鸞翥鳳之文若早為  
聖神文武而壽此貞珉

天子樂而玩焉乃

大書而顏之曰文成石壽復

摘藻而記之曰會萃時合也

臣

伏而思之曠代而一覩

者會也百年而後興者時也會之既萃時弗遙矣

時之既合會弗睽矣是故史籀周宣之臣也廼車

攻吉日錄於雅而石鼓未登於詩詎非有待於

德威交鬯中外一家之

聖而後洩其奇昔之賦六月戰千畝會東都平淮徐者  
方斯蔑矣若然則精氣之存可徵於應物而羲娥  
之遺曷慨於昌黎是鳳翔不得侈其八觀而歐陽  
無庸獻其三疑也謹頌曰

周道徵石鼓淪

聖瑞協石鼓新會之萃

德功言時之合



君臣民列甲癸誌丙申

辟雍樂簾業陳

灤京地爛橋門瞻

鳳藻絢虹紳色三古邕九垓岐陽蒐何足云

安南格第九章

臣惟

聖人奉

天故以

上天之心為心

聖人子萬國故以萬國之心為心是以兼容而并包者  
鈞陶之廣也因時而建德者

柔懷之深也安南交趾之國自漢唐以來叛服之不一  
羈縻之相仍

皇上以乾坤之量博載之以日月之光照臨之溯元明  
之不靖經陳黎之遞侵彼蠻觸之時闢殆干戈之  
日尋昔人謂四夷之爭中國之利此霸略之談而

非

聖人悉主悉臣並生並育之意也天厭黎氏弗祚其國  
皇上乃因阮氏之輸誠乞封號以內屬既畏

威而抒厥惓忱亦慕

義而願為臣僕

帝用俞焉遂梯山貢琛測水受吏奉表款關至於再四

守臣達其忱

天子獎其志其王乃披瘴霧于鳶跼之鄉衝蠻烟於蛟

以下原書闕三葉

蜃之漚率其官僚將其子弟載馳載驅無虞無貳  
廼以孟秋之辰登于中夏之地入覲

雲莊祝

釐彤陛如小草之傾陽若細流之來匯

天子乃

賁以嘉珍

錫之芳醺既醉既飽孔惠孔燕覩黼黻之光華瞻文物而  
欣美易冠帶而列親藩詠安吉而賡晏粲稽顙樹

頤振動舞旋維時四夷酋長及千百國入貢稱  
祝之陪臣聯袂接衽蹈

德詠

仁莫不忭舞而言曰盛哉乎

大皇帝中土之

聖人也吾儕最爾國敢不來王來享億萬載永戴

尊親

皇上嘉重譯之義

以下原書附一葉

人之服固邁乎越裳之入貢而花象之徠又何異  
嘉禾之豐穰也哉謹頌曰

憬彼越裳馴象是

獻接武而來迢迢緬甸憂里蒲甘滌瑕回面秋爽

兩階曉晴

三殿詠蕩

天門繽紛彩扇花象巍哉奇文攸煥神靈滋液瑤光星  
見百濮九菌犀翠昌玩圖之

王會職貢有爛非物之珍繫

德之薦南方曰象敬執壤奠萬國觀瞻億年舞抃

五代堂第十一章

臣惟易占餘慶書稱百祥福履之集於純德者誠未易紀算而測量然若多福多壽多男見於華封之祝陶唐而古簡所載二十五宗蕃于黃帝則百斯男衍於文王為千古之盛歷代莫得而方夫詎能如我

聖性之粹也以

春秋八千之權輿七年前獲茲

嘉瑞非麟趾螽斯之所可形容而徙縣椒衍之所得擬

議也夫

德者福基而

福為德致

壽為福先而

福以壽備



聖謨洋洋瑤篇炳示

敬

天命以綏之祥

愛民生以施之惠

勤政事以懋之和

親賢能以襄之治夫且

載推好德之詞以申斂錫之義益萬善彙於

宸衷而百集福於

聖世夫固日升月恒長卜其芋寧松茂竹苞永存於塗  
暨矣臣伏而推之

五福五代五五二十五相乘而符天度恭逢  
紀元五十有五而合天地之數

萬壽八十以八乘之乾坤之策萬有一千二百五十具  
仰

新宮之攸寧衍

洪奠而始布欣占

六代之方來于拍顧也謹頌曰

重熙景運

祖武繩暉飛

燕翼輪奐承於

皇述事

天慶膺本支九族統

膝登

萬年之觴拜舞稱

五福頌列錦屏徵

聖壽延洪兆雲仍

八徵寶第十二章

臣惟洪範九疇

上帝之寶也錫之神禹而彛倫叙文命敷  
錫之

聖皇而

德无疆

壽不老蓋協應于敬事者徵曰庥而斂敷於建極者德攸好萬古之經三才之道也

皇上七十萬壽鑄

古稀天子之寶而繼之曰猶日孜孜十年之間

身益以康強

思益以聖獻

德施之溥無間於

宵衣旰食而

元化之馳不隔於月竈日際然且

淵表穆乎依然

凜時幾勤惕厲也洪惟

八十萬壽之辰鐫玉馬曰

八徵耄念之寶

御製文以紀之有曰念庶徵即所以念萬民三復

綯繹

盛治之淳也而猶以

八徵

聖人之勤也

皇躬之健也而猶曰

耄念

聖人之仁也臣惟自昔傳國之以寶稱者大抵侈陳受命與其壽昌珎藍田之玉炫鵠頭之章皆沿其文而襲其器無其德而夸其祥已耳景

聖性之凝命煥

德業而焜煌惟夫九五福之斂時而敷錫本於八庶徵之

敬念而弗忘臣嘗恭讀

御製國朝傳寶記曰寶器非寶寶於有德德足重寶寶以愈重大矣哉所由述

祖德而承

天寵故五福之集兆曰大同而五事之原基于敬用是以庶民協風雨之從而萬國象星辰之拱夫然則寶



非和璧而苞符之秘粲乎其璣璫也制不龍螭而  
敦琢之章宛乎其陸離也篆不斯籀而雲漢之倬  
煜乎其樞斗也諒哉

聖德之耄不倦勤而

至誠之徵則悠久是故啟靈準之聽統兆人而會歸炳  
曜度之甄起百王而無偶矣謹頌曰

於鑠洛書明德承庥


聖皇纘績煥乎嘉猷

八徵耄念實惟智周

聖人大寶寶非琳球

天載之合民莫之求

眉壽時萬無斁於箕疇



八旬萬壽盛典卷一百八